



KETUA SETIAUSAHA
KEMENTERIAN KESIHATAN MALAYSIA

Aras 12, Blok E7, Kompleks E,
Pusat Pentadbiran Kerajaan Persekutuan,
62590 Putrajaya

BKP
①
Telefon: 03-88832533
Fax : 03-88895245

Rujukan : KKM.BKP.100-1/7/7 (3)

Tarikh : 4 Mac 2015

Setiausaha-Setiausaha Bahagian
Pengarah-Pengarah Bahagian
Pengarah-Pengarah Kesihatan Negeri
Pengarah-Pengarah Hospital Negeri
Pengarah-Pengarah Institusi

**SURAT PEKELILING KETUA SETIAUSAHA
KEMENTERIAN KESIHATAN MALAYSIA BIL. 1 TAHUN 2015**

**KELULUSAN LAWATAN RASMI KE LUAR NEGARA BAGI
PENJAWAT AWAM KEMENTERIAN KESIHATAN MALAYSIA**

TUJUAN

1. Pekeliling ini dikeluarkan untuk memaklum dan melaksanakan langkah-langkah perbelanjaan berhemah bagi permohonan ke luar negara atas urusan rasmi oleh penjawat awam Kementerian Kesihatan Malaysia (KKM) lanjutan daripada Surat Pekeliling Am Jabatan Perdana Menteri Bilangan 1 Tahun 2015.

LATAR BELAKANG

2. Pekeliling Perbendaharaan Bil. 9 Tahun 2008 dan Pekeliling Perbendaharaan Bil. 3/1 Tahun 2013 telah dikeluarkan mengenai **kawalan perbelanjaan awam** termasuk kelulusan permohonan lawatan rasmi ke luar negara oleh penjawat awam.

3. Dalam memastikan lawatan rasmi penjawat awam keluar negara berdasarkan kepada **kepentingan negara** dan **perkhidmatan awam** serta **mematuhi prinsip nilai untuk wang (value for money)**, Jemaah Menteri telah bersetuju untuk mengetatkan peraturan lawatan kerja penjawat awam ke luar negara.

KELULUSAN PERMOHONAN LAWATAN RASMI KE LUAR NEGARA

4. Selaras dengan **Surat Pekeliling Am Jabatan Perdana Menteri Bilangan 1 Tahun 2015**, permohonan kelulusan lawatan rasmi ke luar negara bagi **Ketua Perkhidmatan / Ketua Jabatan Persekutuan / Ketua Eksekutif Badan-Badan Berkanun Persekutuan** hendaklah diperolehi daripada **Ketua Setiausaha Negara** dan tertakluk kepada Pekeliling Perbendaharaan Bil. 9 Tahun 2008 dan Pekeliling Perbendaharaan Bil. 3/1 Tahun 2013.
5. Manakala **semua permohonan ke luar negara urusan rasmi bagi penjawat awam Kementerian Kesihatan Malaysia selain dari para 3.1, kelulusan** hendaklah diperoleh terlebih dahulu daripada **Ketua Setiausaha selaku Pegawai Pengawal** selaras dengan **Pekeliling Ketua Setiausaha KKM Bilangan 2 Tahun 2004**.
6. Kementerian juga ingin mencadangkan beberapa langkah-langkah perbelanjaan berhemah bagi lawatan rasmi ke luar negara adalah seperti berikut;
 - (a) **Menggalakan penggunaan tiket penerbangan kelas ekonomi** yang lebih menjimatkan;
 - (b) **Berkongsi kemudahan penginapan dan pengangkutan** dengan kadar **harga tempahan yang menjimatkan**;

- (c) **Memendekkan tempoh lawatan** ke luar negara khususnya yang melibatkan program-program **anjuran Kementerian Kesihatan Malaysia**; dan
 - (d) **Menghadkan bilangan penyertaan** bagi **pegawai yang diperlukan sahaja** untuk sesuatu lawatan.
7. Permohonan kelulusan ke luar negara hendaklah dikemukakan sekurang-kurangnya 2 minggu dari tarikh perjalanan dan disertakan dengan perincian tujuan lawatan diperlukan, anggaran perbelanjaan dan jumlah anggota delegasi.
8. Lawatan rasmi ke luar negara daripada segi pematuhan kepada prosedur kewangan dan kelulusan yang diberikan adalah tertakluk kepada pemeriksaan audit oleh Ketua Audit Negara dari semasa ke semasa.

TARIKH KUATKUASA

9. Peraturan ini adalah berkuatkuasa mulai daripada tarikh pekeliling ini dikeluarkan sehingga ia dibatalkan.

“BERKHIDMAT UNTUK NEGARA”



(DATUK FARIDA MOHD ALI)

s.k.:

Ketua Pengarah Kesihatan

Timbalan Ketua Setiausaha (Pengurusan)

Timbalan Ketua Setiausaha (Kewangan)

Timbalan Ketua Pengarah Kesihatan (Perubatan)

Timbalan Ketua Pengarah Kesihatan (Kesihatan Awam)

Timbalan Ketua Pengarah Kesihatan (Penyelidikan & Sokongan Teknikal)

Pengarah Kanan (Pergigian)

Pengarah Kanan (Perkhidmatan Farmasi)

Ketua Pegawai Eksekutif Lembaga Promosi Kesihatan Malaysia

Setiausaha Sulit Kanan YB Menteri Kesihatan

Setiausaha Sulit Kanan YB Timbalan Menteri Kesihatan